

შიდა ქართლის რეგიონსა და ჩინეთის რესპუბლიკის პროვინცია განსუს შორის ურთიერთანამშრომლობის მემორანდუმი გაფორმდა

19 აპრილი 2021

შიდა ქართლის სახელმწიფო რწმუნებულის ადმინისტრაციასა და ჩინეთის სახალხო რესპუბლიკის განსუს პროვინციას შორის მეგობრული ურთიერთობების დამყარების შეთანხმებას ხელი მოეწერა, რომელის მიზანია რეგიონებს შორის მრავალპროფილური ურთიერთობისა და თანამშრომლობის განვითარება.

შეხვედრა ონლაინ ფორმატში გაიმართა, სადაც მონაწილეობა "საპარტნიორო ფონდსა" და "საქართველოს რკინიგზის" წარმომადგენლებმაც მიიღეს. ამავდროულად, „საპარტნიორო ფონდსა“ და ჩინეთის განსუს პროვინციის ქალაქ უეის ლოგისტიკურ ცენტრს შორის სტრატეგიული თანამშრომლობის შეთანხმება გაფორმდა.

"ჩვენი თანამშრომლობის ფარგლებში, საშუალება მოგვეცემა მხარეებმა გავუზიაროთ გამოცდილება ეკონომიკის, სოფლის მეურნეობის, განათლებისა და კულტურის მიმართულებით. ვფიქრობ, ჩვენი მჭიდრო თანამშრომლობა ნაყოფიერი იქნება და საერთო ინტერესების გათვალისწინებით, მნიშვნელოვან პროექტებს განვახორციელებთ." - აღნიშნა მამუკა სალარეიშვილმა.

განსუს პროვინცია აქტიურად თანამშრომლობს საქართველოსთან საგანმანათლებლო და სოფლის მეურნეობის სფეროებში, ასევე, დიდ ინტერესს გამოთქვამს, გახდეს საქართველოს სარკინიგზო პარტნიორი. ასევე, პროვინცია მზად არის, ხელი შეუწყოს ადგილობრივი ქართული პროდუქციის რელიზაციის გაზრდას ჩინურ ბაზარზე.